



昭德先生郡齋讀書後志第二卷

子類

伊川孟子解十四卷

右皇朝程頤正叔撰頤居洛陽其門人號之爲伊川先生云

百家孟子解十二卷

右集古今諸儒自裴日休至強至賈同百餘家解孟子成一篇

王安石解孟子十四卷王雱解孟子十四卷許允成解孟子十四卷

右皇朝王安石介甫素喜孟子自爲之解其子雱與其門人許允成皆有注釋崇觀間場屋舉子宗之

點注孟子十四卷

右皇朝熙寧中蜀州張簡點節經注附以釋文以教童子

董子一卷

右周董無心撰皇朝吳秘注無心在戰國時著書闢墨子

說玄一卷

右唐王涯廣津撰涯始以貞元丙子終於元和己丑

二十六年間注太玄爲六卷今不之見獨此書行于世凡五篇(一)明宗(二)立例(三)揲法(四)占法(五)辨首

宋惟幹太玄解十卷

右皇朝宋惟幹注惟幹嘗得太玄古本于昭應咸平中知滑臺取宋衷陸績范望三家訓解別爲之法仍作太玄宗旨兩篇附于後其學蓋師濟東田告司馬溫公所謂小宋者也

陳漸演玄十卷

右皇朝陳漸撰漸堯佐族子也國史有傳凡十四篇漸謂史以揚雄非聖人而作經猶吳楚僭王今按法

言解嘲止云太玄然則經非其自稱弟子侯芭之徒
尊之耳

太玄淵旨一卷

右皇朝張揆撰

溫公集注太玄經十卷

右皇朝司馬光君實集漢宋表解諸吳陸績釋文晉
范望解贊唐王涯注經及首淵宋惟幹通注陳漸演
玄吳秘音義七家爲此書自慶曆至元豐凡三十年
始成其直云宋者衷也小宋者惟幹也惟幹漸秘皆
國朝人

溫公集注法言十二卷

右皇朝司馬光君實集晉李軌唐柳宗元國朝宋咸
吳秘注光自言少好此書歷年已多今輒采諸家所
長附以己意名曰集注凡觀書者當先正其文辨其
音然後可以求其義故宋相公庠家有李祠部注本
及音義最爲精詳宋吳亦據李本而其文多異同今
參以漢書取其通者以爲定本先審其音乃解其義
云

元經十卷

右隋王通撰唐薛收傳皇朝阮逸學起晉惠帝太熙

灑字
灑字之同

元年終于陳亡予從兄子逸仕安康嘗得其本歸而示四父四父讀至帝問蛙鳴晒其陋曰六籍奴婢之言不爲過按崇文無其目疑逸依託爲之

帝範一卷

右唐太宗撰凡十二篇今存者六篇貞觀末著此書以賜高宗且曰修身治國備在其中一旦不謹更無所言矣其末頗以汰侈自咎以戒高宗俾勿效已殊不知閭門之內慙德甚多豈特汰侈而已哉武后之立實有自來不能身教多言奚益悲夫

臣範二卷

右唐則天皇后武氏撰範或作軌武氏稱制時嘗詔天下學者習之華廢本十篇今闕其下五篇

法苑二十卷

右南唐劉勰撰勰甲戌歲擢南唐進士第實開寶七年也著書凡八十一篇言治國立身之道徐鉉爲之序

老子畧論一卷

右魏王弼撰凡十有八章景迂云弼有得於老子而無得於易注易資於老子而老子論無資於易則其淺深之效可見矣

溫公道德論述要兩卷

右皇朝司馬光撰光意謂道德連體不可偏舉故廢道經德經之名而曰道德論墓誌載其自無名天地之始有名萬物之母常無欲以觀其妙常有欲以觀其微皆於無與有下斷句不與先儒同

呂氏老子注二卷

右皇朝呂大臨撰其意以老氏之學合有無謂之玄以爲道之所由出蓋至于命矣其言道體非獨智之見孰能臻此求之終篇繆于聖人者蓋寡但不當以聖知仁義爲可絕棄爾

默希子注文子十二卷

右默希子者唐徐靈府自號也靈府謂文子周平王時人

朱玄注文子十二卷

右唐朱玄注闕符言一篇或取默希注補焉

文如海莊子疏十卷

右唐文如海撰如海明皇時道士也以郭象注放乎自然而絕學習失莊生之旨因再爲之解凡九萬餘言

呂吉甫注莊子十卷

右皇朝呂惠卿撰吉甫惠卿字也元豐七年先表進內篇餘續成之

王元澤注莊子十卷

右皇朝王雱撰元澤其字也

東坡廣成子解一卷

右皇朝蘇軾撰軾取莊子中黃帝問道於廣成子一章爲之解景迂嘗難之其序畧曰某晚玷先生薦賢中安敢與先生異論然先生許我不苟同翰墨具在

天機子一卷

右不著撰人凡二十五篇或曰一名陰符二十四篇

諸葛亮撰予觀其詞旨殆李筌所爲爾託之孔明也載道藏中

無能子三卷

右不著撰人唐光啟三年天子在褒寓三輔景氏舍成書三十篇述老莊自然之旨總目錄之於道家

四子治國樞四卷

右唐范乾九集四子謂莊子文子列子亢倉子其意以爲黃老之道內足以修身外足以治國周王得文子之言趙王納莊周之論皆能興邦致治故採其書有益治道者分爲二十門

風俗通義十卷

右漢應劭撰。劭字仲遠，奉之子。篤學博覽，多聞靈帝時舉孝廉，仕至泰山太守。撰風俗通以辨物名號，釋時俗嫌疑。文雖不典，世服其洽聞。

意林三卷

右唐馬總會元撰。初梁穎川庾仲容取諸家書術數雜說凡一百七家抄其要語爲三十卷，總以其繁畧失中增損成三軸，前有戴叔倫、楊伯存兩序。

格言五卷

右僞唐韓熙載叔言撰。熙載以經濟自任，乃著書二

駁

十六篇論古今王霸之道，以于李煜首言陽九百六之數及五運迭興事，其駁雜如此。有門生會雅序。

兩同書兩卷

右唐羅隱撰。隱謂老子養生、孔子訓世，因本之著內外篇各五，其曰兩同書者，取兩者同出而異名之言也。

物類相感志十卷

右皇朝僧贊寧撰。采經籍傳記物類相感者志之，分天地人物四門。贊寧吳人以博物稱于世，柳如京徐騎省與之遊，或就質疑事。楊文公歐陽文忠公亦皆

知其名

王氏雜說十卷

右皇朝王奕石介甫撰蔡京爲安石傳其學以自先
王澤竭國異家殊由漢迄唐源流浸深宋興文物盛
矣然不知道德性命之理安石奮乎百世之下追堯
舜三代通乎晝夜陰陽所不能測而入於神初著雜
說數萬言世謂其言與孟軻相上下於是天下之士
始原道德之意窺性命之端云所謂雜說卽此書也
以京之誇至如此且不知所謂通乎晝夜陰陽所不
能測而入於神者爲何等語故著之

保生月錄一卷

右唐韋行規撰分十二月雜纂每月攝養種藝祈禳
之術也李翱爲之序

輦下歲時記一卷

右唐李綽撰綽經黃巢之亂避地蠻隅偶記秦地盛
事傳諸晚學云

國朝時令十二卷

右皇朝賈昌朝撰景祐初復禮記舊文其唐月令別
行三年詔昌朝與丁度李淑采國朝律歷典禮百度
昏曉中星祠祀配侑歲時施行約唐月令定爲時令

一卷以備宣讀後昌朝注爲十二卷奏上頒行

顧渚山記二卷

右唐陸羽撰羽與皎然朱放輩論茶以顧渚爲第一顧渚山在湖州吳王夫差顧望欲以爲都故以名山

呂惠卿建安茶記一卷

右皇朝呂惠卿撰

聖宋茶論一卷

右徽宗御製

茶雜文一卷

右集古今詩文及茶者

竹譜一卷

右齊書之以前之字屬於武昌人袁榘竹事四字一

詩不載

領李師部云未詳何代人

簡譜二卷

聖朝僧惠崇撰

小說類

殷芸小說十卷

右宋殷芸撰述秦漢以來雜事三家本題曰劉餗李淑以爲非

元怪錄十卷

右唐牛僧孺撰僧孺為宰相有聞於世而著此等書
周秦行紀之謗蓋有以致之也

周秦行紀一卷

右唐牛僧孺自敘所遇異事實黃中以為韋瓘所撰
葉李德裕門人以此誣僧孺

鹿革事類三十卷鹿革文類三十卷

節太平廣記事實成一編曰事類詩文成一編曰
類蔡蕃音如所撰音如博學通音律能屬文與十
父相友善

誡錄十卷

右後蜀何光遠撰字輝夫東海人唐證中纂輯唐以
來君臣事迹可為世鑒者前有劉曦度序李獻臣云
不知何時人考之不詳也

歸田錄六卷

右皇朝李昉撰昉蜀人張詠客也與范鎮友善熙寧
中致仕歸與門人賓客燕談袞袞忘倦門人請編錄
之遂以該聞為目又有雜詩十二篇係于後

開譚錄兩卷

右皇朝蘇耆撰舜卿之父也記五代以來雜事下帙
多載馮道行義

字

古今前定錄二卷

右皇朝尹國均輯經史子集古今之人興衰窮達貴賤貧富死生壽夭與夫一動靜一語默一飲一啄定于前而形于夢兆于卜見于相貌應于讖記者凡一門以為不知命而躁競者之戒至若裴度以陰德而致貴孫亮以陰譴而減齡之類又別為二門使君子不以天廢人云

傅公嘉話一卷

右皇朝傅堯俞之子孫記堯俞之言行凡四十餘章獻備堯俞謚也

曾公南遊記一卷

右曾公未詳何人當是公亮之孫也共十二章記國朝雜事

摺紳脞說二十卷

右皇朝張唐英君房撰君房博學通釋老善著書如名臣傳蜀檮杌雲笈七籤行于世者毋慮數百卷此書亦詳實

青箱雜記 卷

事者

右皇朝何處厚撰處厚發蔡確車蓋亭詩別記多失實成都置交子務起於寇瑊處厚乃以為張詠他皆

類此

細素雜記十卷

右皇朝黃朝英撰所記二百事朝英建州人紹聖後舉子也爲王安石之學者以贈之以芍藥爲男淫女貽我握椒爲女淫男前輩嘗以是爲嗤朝英獨愛重之他可知也

褒善錄一卷

右皇朝王蕃撰嘉祐中巴縣簿黃靖國死而復蘇道其冥中所見廖生嘗傳之蕃刪取其要爲此書
麗情集二十卷

右皇朝張君房唐英編古今情感事

天文曆算類

景祐乾象新書三卷

右崇文目有三十卷置之天文類

歷法一卷

右未詳撰人歷草也

刻漏圖一卷

右皇朝燕肅撰肅有巧思上蓮花漏法嘗知潼川有石刻存焉洛陽宋君者增損肅之法爲此圖

五行類

廣古今五行志三十卷

右竇滔撰唐志有其目未詳何人纂五行變異敘其徵應蓋爲洪範之學者自古術數之學多矣言五行則本洪範言卜筮則本周易近時兩者之學殆絕而最盛于世者葬書相術五星祿命六壬遁甲星禽而已然六壬之類足以推一時之吉凶星禽五星祿命相術之類足以推一身之吉凶葬書之類足以推一家之吉凶遁甲之類足以推一國之吉凶其所知若有遠近之異而或中或否不可盡信則一也且其說皆本於五行故同次之爲一類

青囊補注三卷

右晉郭璞撰世傳葬書之學皆云無出郭璞之右者今盛行多璞書也按璞傳載葬母事世傳蓋不誣矣璞未幾爲王敦所殺若謂禍福皆係於葬則璞不應擇凶地以取禍若謂禍福有定數或它有以致之則葬地不必擇矣嗚呼璞自用其術尚如此况後遺其遺書者乎

撥沙經一卷

右唐呂才撰地理書畫山水之形成圖蓋依託者

會元經二十四卷

右孫季邕撰未詳何代人集諸家相地書及其雜說
無驗者成是書

五音地理新書三十卷

右唐僧一行撰以人姓五音驗八山二十八將吉凶
之方其學今世不行

秤星經三卷

右不著撰人以日月五星羅喉計都紫炁月孛十一
曜演十二宮宿度以推人貴賤壽夭休咎不知其術
之所起或云天竺梵學也按洪範曰歲月日時無易
百穀用成又用明俊民用章家用平康月之從星則

以風雨冷州鳩曰武王伐殷歲在鶉火月在天駟
田在析木之津辰在斗柄星在天竈以此言之五星
之術其來尚矣蓋可以占國則可以占事可以占事
則可以占人也然術家用日月五星以占吉凶又加
以交初交中之神紫炁月孛之宿初中者交食之會
亦可以意求惟氣字無稽而術家獨以為效且曰土
木之餘氣五星之行土木最遲而為吉凶者久故有
餘氣云

周易十二論一卷

右未詳撰人論日月五星直年以占吉凶

珞珠子疏五卷

右皇朝李全全東方明撰

河圖天地二運賦一卷

右不著撰人論天地二運蓋三命書也崇文目以為卜筮類

常陽經一卷

右崇文目題曰黃帝式用蓋六壬占卜術也

六壬要訣一卷

右未詳何人撰隋志載六壬之書兩種金鑿密記及五代史記頗言其驗今世龜筮道息而此術獨行

六壬課訣一卷

右未詳何人所撰以六十四甲子加十二時成七百二十課二傳之神以占吉凶

玉關歌一卷

右不題撰人六壬課訣也

三十二家相書三卷

右或集許負以下三十二家書成此編

月波洞中記一卷

右序稱唐任道遠得之於太白山月波洞石壁上凡九篇相形術也崇文目置之五行類

靈龜經一卷

右史蘇煥論龜兆之吉凶崇文目二卷

遁田萬一訣一卷

右題云唐李靖所纂黃帝書按遁甲之書見於隋志凡一十三家則其學之來亦不在近世矣以休生傷杜景死驚開八門推國家之吉凶通其學者以為有驗未之嘗試也

遁甲經一卷

右唐胡乾撰李氏書目亦云九天玄女術推九星八門三奇六儀之法

鮮鶚經十卷

右未詳撰人凡十門六十一章以星禽推知人之吉凶言其性情嗜好為尤驗說者謂太神仙之訣也故此書載于道藏李邕鄆云羅浮山逍遙子撰

八神筮法二卷

右以八卦世分六十四卦每卦首必云子夏曰論易筮之吉凶

靈樞經二卷

右漢東方朔撰又云張良劉安未知孰是晉顏幼明宋何承天注有唐李遠敘歸來子以為黃石公書豈

謂以授良者邪按南史載客從南來遺我良財寶貨珠璣金碗玉盃之類則古之遺書也明矣凡一百二十卦皆有繇辭

紫堂訣三卷

右紫堂先生撰未詳何代人著紫垣十二星至隱曜總三百六十位分二十八舍附之以五星配十二辰以推人命之吉凶

兵類

郭元振安邊策三卷

右唐郭元振撰以總兵進退安邊守不可無權謀

乃著此書改舊題曰定遠安邊策

武經聖畧十五卷

右皇朝王洙撰寶元中西邊用兵朝廷講武備是時洙奉詔編祖宗任將用兵邊防事迹分十二門

武經總要四十卷

右皇朝曾公亮丁度撰康定中朝廷恐羣帥昧古今之學命公亮等采古兵法及本朝計謀方畧凡五年奏御制度五卷邊防五卷故事十五卷占候五卷御為製序

兵要望江南一卷

右述云黃石公以授張良者按其書雜占行軍吉凶
寓聲于聲江南詞取其易記憶總目云武安軍左押
衙易靜撰蓋唐人也

倚馬立成法二卷

右唐李淳風撰兵行占候之書也淳風太宗時人而
此書起九宮法至貞元六年庚午假托以行其書爾
非淳風本旨也

類書類

古人姓氏相同錄一卷

右唐正光庭撰光庭中進士策

北堂書鈔一百七十三卷

右唐虞世南撰世南仕隋爲秘書郎時鈔經史百家
之事以備用分八十部八百一類北堂者省之後堂
世南鈔書之所也家一百二十卷

集類一百卷

右唐劉綺莊撰綺莊毗陵人嘗爲蘇州崑山縣令家
多異書採摭事類分二十餘門凡五十餘萬言上之
于朝前有萬希序題云開元二十九年辛巳按綺莊
集有上白敏中啟疑非玄宗時人當攷

三教珠英三卷

右唐張昌宗等撰按唐志一千二百卷今所存者止此

備舉文言二十卷

右唐陸贄撰總四百五十餘門議者謂大類六帖而文辭過焉崇文總目中有之

小名錄三卷

右唐陸龜蒙撰龜蒙以末世有官名小名之別自秦至隋編而紀之至於神仙玉女之名婦人臧獲之字亦無棄焉龜蒙世稱其博然此書特雜取於史傳間爾無異聞也

備忘小抄十卷

右僞蜀文谷撰雜抄子史一千餘事以備遺忘其後題廣政三年廣政王衍號也

唐會要一百卷

右皇朝王溥撰初唐蘇冕敘高祖至德宗九朝沿革損益之制大中七年詔崔鉉等撰次德宗以來事至宣宗大中六年以續冕書溥又采宣宗以後事共成百卷建隆二年正月奏御詞簡禮備太祖覽而嘉之詔藏於史閣賜物有差

冊府元龜一千卷

右皇朝景德二年詔王欽若楊億修君臣事迹唯取六經子史不錄小說雜書至祥符六年書成上之凡三十一部有總序千一百四門有小序同修者十五人錢惟演杜鎬刁衍李維戚綸王希哲陳彭年姜興宋貽陳越陳從易劉筠查道王曙夏竦初撰篇序諸儒皆作帝以體製不一遂擇李維錢惟演陳彭年劉筠夏竦等付楊億竄定賜今名為序冠其首其音釋又命孫奭為之

類要六十五卷

右皇朝晏殊纂分門輯經史子集事實以備修文之

衡字上右
序字

風

禁殺錄一卷

右皇朝李象先纂元祐中象先集錄古今冥報事以為殺戒

貨泉錄一卷

右皇朝陶岳撰記五代諸侯擅改錢幣之由幽州嶺南福建湖南江南五國

墨譜一卷

右皇朝董秉煥熙寧間人秉患世人徒知祖李之名而不知形模之異同製作之精拙故作圖以著其源

流用補蘇易簡之闕文云

印格一卷

右皇朝晁克一撰克一張文潛甥也文潛嘗為之序其畧曰克一既好古印章其父補之愛之尤篤悉錄古今印璽之法謂之圖書譜自秦以來變制異狀皆能言其故余頗愛其用心不移致精于末務使有傳焉

蒙求三卷

右唐李瀚撰纂經傳善惡事實類者兩兩相比為韻語取蒙卦童蒙求我之義名其書蓋以教學童云

魯史分門屬類賦三卷

右皇朝楊銓撰以左氏事類分十門各為律賦二篇乾德四年奉御詔褒之

仙苑編珠二卷

右唐王松年撰取阮倉劉向葛洪所傳神仙又取經記中梁以後神仙百二十八人比事屬辭效蒙求本體為是書

國史對韻十二卷

右皇朝范鎮撰吳仲庶嘗稱景仁憫諸後學雖涉書傳而問之今代典故則懵然不知乃自太祖開基迄

本字是衍
體字是

于仁宗朝撰取事實可為規矩鑒戒者用韻編次之
卽此書也

孝悌類鑒七卷

右皇朝俞觀能撰取經史孝悌事成四言韻語

兩漢蒙求五卷唐史屬辭五卷南北史蒙求
十卷

右未詳撰人皆効李瀚也

雜藝術類

名畫見聞志六卷

三朝郭若虛撰若虛以張愛賓之畫絕筆永昌元

年因續之歷五代止國朝熙寧七年分敘論紀藝故
事近事四門

溫公投壺新格一卷

右皇朝司馬光君實撰舊有投壺格君實惡其多取
奇中者以為僥倖因盡改之

九章算經九卷

右未詳撰人者姓名或曰周公九章者一方田二算
粟三衰分四少廣五商功六均輸七盈不足八方程
九句股魏劉徽唐李淳風嘗為之注則此術起于漢
之前矣

求一算經一卷

右未詳撰人

溫公七國象碁一卷

右皇朝司馬光君實撰周秦韓魏趙楚齊燕實八國而云七者周室不與焉

葉子戲格一卷

右不著撰人世傳葉子婦人也撰此戲晚唐之時也

相鶴經一卷

右題曰浮丘公撰其傳云浮丘公授于王子晉後崔文子學道于子晉得其文藏于嵩山之石室淮南公

採其得之乃傳于世

相馬經一卷

右伯樂撰

相馬經一卷

右未詳撰人述相馬法式并著馬之疾狀及治療之術李氏書目有之

皇帝醫相馬經三卷

右唐穆彞集伯樂王良等六家書成此編皇帝斥神農也

育駿方三卷

右未詳撰人相馬術及醫治畜牧之方

相牛經一卷

右序曰竇威傳之百里奚漢世河西薛公得其書以相牛千百不失其一至魏世高堂生又傳晉宣帝其後秘之細字薛公注也

醫家類

靈樞經九卷

右王冰謂此書即漢志皇帝內經十八卷之九也或謂好事者于皇甫謐所集內經倉公論中抄出之名為古書也未知孰是

丁德用注難經五卷

右皇朝丁德用注以楊玄操所注甚失大義因改正之經文隱其者繪為圖德用濟陽人嘉祐末其書始成

虞庶注難經五卷

右皇朝虞庶注庶仁壽人寓居漢嘉少為儒已而棄其業習醫術此書以補呂楊所未盡黎泰辰治平間為之序

金匱玉函經八卷

右漢張仲景撰晉王叔和集設答問雜病形證脈理

參以療治之方仁宗朝王洙得于館中用之甚效合二百六十二方

仲景傷寒論十卷

右漢張仲景述晉王叔和撰次按名醫錄云仲景南陽人名機仲景其字也舉孝廉官至長沙太守以宗族二百餘口建安紀年以來未及十稔死者三之二而傷寒居其七乃著論二十二篇證外合二百九十七法一百一十二方善醫者或云仲景著傷寒論誠不刊之典然有大人之病而無嬰孺之患有北方之藥而無南方之治此其所闕者蓋陳蔡以南不可用

柴胡白虎二湯治傷寒其言極有理

脈經三卷

右題云黃帝撰論珍脈之要凡二十一篇

脈訣一卷

右題曰王叔和皆歌訣鄙淺之言後人依託者然最行于世

雷公炮炙三卷

右宋雷斅撰胡洽重定述百藥性味炮熬煮炙之方其論多本之于乾寧晏先生斅稱內究守國安正公當是官名未詳

金寶鑑三卷

右魏嵩換嵩仕至翰林博士崇文總目云不詳何代人述脉候徵驗要妙之理

通真子傷寒訣一卷

右題曰通真子而不著名氏用張長沙傷寒論爲歌詩以便覽者脉訣之類也

傷寒百問三卷

右題曰無求子大觀初所著書

運氣論奧三卷

右皇朝劉溫舒撰溫舒以素問氣運最爲治病之要

而答問紛揉文辭古奧讀者難知因爲三十論七十二圖上于朝

脉粹一卷

右皇朝蕭世基撰世基嘗閱素問及歷代醫經患其難知因綴緝成一編治平中姚誼序之

存真圖一卷

右皇朝楊介編崇寧間泗州刑賊於市郡守李夷行遣醫并畫工往親決膜摘膏育曲折圖之盡得纖悉介校以古書無少異者比歐希範五藏圖過之遠矣實有益醫家也王莽時捕得翟義黨王孫慶使太醫

尚方與巧屠共剝剝之量度五藏以竹筵導其脉知所終始云可以治病亦是此意

證類本草三十二卷

右皇朝唐慎微纂合兩本草爲一書且集書傳所記單方附之于本條之下殊爲詳博

子午經一卷

右題云扁鵲撰論鍼砭之要成歌詠蓋後人依託者

明堂針灸圖三卷

右題曰黃帝論人身俞穴及灼灸禁忌

點烙三十六黃經一卷

右不著撰人唐世書也國史補云自茗飲行于世人不復病黃痺

千金方三十卷

右唐孫思邈撰思邈博通經傳洞明醫術著用藥之方珍脉之訣針灸之穴禁暴之法以至導引養生之要無不周悉後世或能窺其一二未有不爲名醫者然議者頗恨其獨不知傷寒之數云

千金翼方三十卷

右唐孫思邈撰思邈著千金方復掇集遺軼以羽翼其書成一家之學林億等謂首之以藥錄次之以婦

人傷寒小兒養性辟穀退居補益雜病瘡癰色脉針灸而禁經終焉者皆有指意云

龍樹眼論三卷

右佛經龍樹大士者能治眼疾或假其說集治七十二種目病之方

寶藏暢激論三卷

右五代軒轅述撰青霞君作寶藏論三篇著變煉金石之訣既詳其未善因刊其謬誤增其缺漏以成是書故曰暢激時年九十實乾亨二年也

太平聖惠方一百卷

右太宗皇帝在潛邸日多蓄名方異術太平興國中內出親驗者千餘首乃詔醫局各上家傳方書命王懷隱王祐鄭彥陳昭遇校正編類各於篇首著其疾證淳化初書成御製序引

和劑局方十卷

右大觀中詔通醫刊正藥局方書閱歲書成校正七百八字增損七十餘方

養生必用方十六卷

右皇朝初虞世撰序謂古人醫經行於世者多矣所以別著者古方分劑爲今銖兩不俟用者頗難此方

其證易詳其法易用苟尋文爲治雖不習之人亦可
無求於醫也虞世本朝士一旦削髮爲僧在襄陽與
十父遊從甚密

嬰童寶鏡十卷

右題曰栖真子不著姓名錄世行應驗方成此書

小兒靈秘方十三卷

右不題撰人辨小兒疾證及治療之方多爲歌訣

傷寒證治三卷

右皇朝王實編實謂百病之急無踰傷寒故畧舉病
名法及世名醫之言爲十三篇總方百四十六首或

云潁川人官至外郎龐安常之高弟也

小兒玉訣一卷

右未詳撰人名氏爲韻語以記小兒疾證治法凡二
十三

孫尚秘寶十卷

右皇朝孫尚撰呂惠卿帥邊日尚之子在屬部因取
此書刻板傳于世

楊子護命方五卷通神論十四卷

右皇朝楊退修撰退修以岐伯論五運六氣以治癘
病後世通之者唯王砥一人而已然猶於遷變行度

莫知其始終次序故著此方論云

道書類

大洞真經一卷

右題云高上虛皇君等道書三十七章晉永和申上清紫微元君降授于王夫人是上清高法道藏書六部一曰大洞真部二曰靈寶洞元部三曰太上洞神部四曰太真部五曰太清部六曰正一部邯鄲李氏道書志四類一曰經誥類二曰傳錄類三曰丹藥類四曰符篆類皆以此書為之首然唐志不載故以次度人經云

衡次于度人經之後則知析為後志也

西昇經四卷

右題曰太上真人尹君紀錄老子將遊西域既為關令尹喜說五千言又畱秘旨凡三十六章喜述之為此經其首稱老君西昇聞道竺乾有古先生是以就道說者以古先生佛也事見廣洪明集辯惑論

韋注西昇經二卷

右梁道士韋處克分上下經上經三七法天之陽數分二十一章下經四七法地之陰數總四十九章象大衍用數云唐志稱處克集解以聞道竺乾為經道竺乾以古先生為老子自謂

洞玄注西昇經四卷

右唐洞玄子注其姓名未詳唐志有戴詵注西昇經疑此或詵書也分三十六章謂竺乾古先生非釋氏之號云

徐注西昇經二卷

右徐道邈撰句曲人未詳何代其本以有古先生善入無爲作善入泥丸古先生者吾之師也化乎竺乾作吾之身也化胡竺乾云

步虛經一卷

右太極真人傳左仙公其章皆高仙上聖朝玄都玉

京飛經虛空之所諷誦故曰步虛

定觀經一卷

右題云天尊授左老真人述定心惠觀等修故以爲名云

老子化胡經十卷

右魏明帝爲之序經言老子歸崑崙化胡次授罽賓後及天竺按裴松之三國志注言世稱老子西入流沙化胡成佛其說蓋起于此議化胡經八狀附于後唐志云萬歲通天元年僧惠澄上言乞毀老子化胡經秋官侍郎劉如璿等議狀證其非僞此是也

太清經一卷

右太清護命靈文金闕上真按付修道之士可以除邪治病云

登真隱訣二十五卷

右梁陶弘景撰景以爲學其訣者當由階而登真文多隱非訣莫登故以名書凡七篇十七條隋志云

雲笈七籤一百二十卷

右皇朝張君房等纂君房祥符中謫官寧海時聖祖降朝廷盡以秘閣道書付杭州俾戚綸陳堯臣校正綸等同王欽若薦君房專其事君房詮次得四千五

百六十五卷於是掇其蘊奧總萬餘條成是書仁宗時上之

張隨注參同契三卷

右皇朝張隨皇祐中居青城山注魏伯陽之書列十數圖于其後

參同契太易圖一卷

右不題撰人論周天火候有太易太初太始太素太極四象五行等二十四篇并圖按崇文總目云張處撰而李獻臣以爲天老神君撰雲常子張處序亦名至藥丹訣未知孰是

混元內外鑿一卷延壽經一卷附

右混元謂老子也亦導引之術內篇八外篇三

玉皇聖胎神用訣一卷

右玉皇訣云野人即肇注

太上說魂魄經二卷

右題曰老子撰載三魂七魄名字形狀好惡以咒術存制之崇文題曰太上靈書李氏亦有其目

無上秘要九十五卷

右題曰元始天尊說藝文志止七十二卷不知何時析出二十三通也

葛仙翁胎息術一卷

右仙翁葛洪也

太清服氣口訣二卷太起經一卷閉氣法一

卷太上指南歌一卷

右四書皆題曰老子撰服氣訣也

食氣經一卷

右太皇太子撰未詳李邯鄲云似雜集之書

道引養生圖一卷

右梁陶洪景撰分三十六勢如鴻鶴徘徊鴛鴦戢羽之類各繪像于其上田偉家本少八勢

天真皇人九仙經一卷

右天真皇人爲黃帝說一行羅公遠集法靜注論水火龍虎造金丹之術崇文書也按九仙經典廢記云此經黃帝留峩眉山石壁漢武帝時得之大中嘗禁絕

陰府內丹經一卷

右題曰老子說

日月元樞論一卷

右唐劉知古撰明皇朝爲綿州昌明令時詔求通丹藥之士知古謂神仙大藥無出參同契因著論上于

朝

大還丹契秘圖一卷

右草衣洞真子玄撰凡三十三章大還丹者乃日月精氣之所致也論火候則以朔望爲據記藥物則以鉛汞爲名云

釋書類

華嚴經合論一百二十卷

右按纂靈記云華嚴大經龍宮有二一本佛滅度後六百年有龍樹菩薩入龍宮誦下本十萬偈四十八品流傳大竺晉有沙門支法領得下本分三萬六千偈

至此土義熙十四年譯成六十卷唐證聖元年于闐
沙門喜學再譯舊文兼補諸闕通舊總四萬五千頌
成八十卷二十九品合論者唐李通元所撰通元太
原人宗室子也嘗武后時隱居不仕舊學佛者皆曰
佛說此經時居七處九會獨通元以為十處十會云
華嚴經清涼疏一百五十卷

右唐僧澄觀撰澄觀居清涼山號清涼國師即韓愈
贈之詩者文元公有言曰明法身之體者莫辨於楞
嚴明法身之用者莫辨於華嚴學佛者以為不刊之
論

華嚴經四十一卷

右唐僧澄觀撰以觀既以華嚴又撮其大意為此凡
四十一章

華嚴起點四文二卷

右唐僧善孜撰善孜潭州太平寺僧也每品一章撮
其大旨凡三十九章

華嚴百門義海兩卷

右唐僧法藏撰法藏長安崇福寺僧也分十章

華嚴奧旨一卷

右唐僧法藏撰文曰妄盡還源觀凡六門

法界披雲集一卷

右皇朝僧道通述杜順纂華嚴經義撰法界觀道通
又分十禪門

華嚴吞海集一卷

右皇朝僧道通述華嚴經七處九會二十九品五萬
四千偈其文浩博澄觀為之疏尤難觀覽道通約之
成萬三千言以便初學

法華言似二十卷

右唐僧智顛撰智顛居天台山號天台教五代兵亂
其言古錢偈聞高麗有本厚賂因賈人求得之至今

盛行於江浙

禪宗金剛經解一卷

右皇朝安保衡採摭禪宗自達磨而下發明是經者
參釋之序稱其有言涉修證者北宗法門也舉心即
佛者江西法門也無法無物本來如是者曹溪法門
也

建中靖國續燈錄三十卷

右皇朝僧惟白編惟白靖康初住法雲寺駙馬都尉
張敦禮以其書上于朝徽宗為之序分正宗對機拈

古頌古偈頌五門

禪本三建
中字按惟
白康
靖康時人而
徽宗為之
序則註目也

此書之序也
惟白

誤

古塔主語錄二卷

右皇朝僧道古撰范文正喜之嘗親爲疏請說法有云道行無玷孤風絕攀時以爲非溢美也

碧巖集十卷

右皇朝僧克勤解雪竇頌古名曰碧巖集

觀心論一卷

右魏菩提達磨撰

百法論一卷

右唐僧袁奘譯西域僧天親所造所謂一切法者其畧有語一心法二心所有法三色法四心不相應行

法五無爲法心法八種心所有法五十一種色法十種心不相應行法二十四種無爲法六種故曰百法

起信論一卷

右唐僧宗密注僧真諦譯天竺第十二祖馬鳴大士所造也雖云名相蓋明心宗指義玄微文辭明緻故盛行于世若肇論百法唯識及此學者皆願門名家故藏中所收亦錄于此

辨正論八卷

右唐釋法琳撰穎川陳良序云法琳姓陳關中人著

此書窮釋老之教源極品藻之名理宣和中以其所斥老子語焚毀其第二第四第五第六第八凡五卷序文亦有剪棄者

破邪論二卷

右唐釋法琳撰辨佛奕所排毀虞世南爲之序

甄正論二卷

右唐釋法琳撰已上三書皆經宣和焚毀藏中多闕故錄之

輔教編五卷

右皇朝僧契嵩撰藤州人皇祐間以世儒多詆釋氏

之道因著此書廣引經籍以證三教一致輔相其教云

幕府燕閒錄十卷

右皇朝畢仲詢景儒撰仲詢元豐初爲嵐州推官纂當代怪奇可喜之事爲二十門

羣書古鑑一卷

右未詳何人所撰有姓寧開集書史中相術驗者

稗官志一卷

右皇朝呂大辨撰雜記其所聞前言往行

師友談記一卷

右皇朝李薦方叔撰多記蘇子瞻范純夫及四學士所談論故曰師友

龍川畧志六卷龍川別志四卷

右皇朝蘇轍撰元符二年夏居循州杜門閉目追惟平昔使其子遠書之于紙凡四十事其秋復記四十七事龍川循州地名

天文卜算類

司天考占星通玄寶鏡一卷

右題曰巫咸氏皇朝太平興國中詔天下知星者詣京師未幾至者百許人坐私習天文或誅或配隸海

是星曆之學殆絕故予所藏書中亦無幾姑以備數云

廿石星經一卷

右漢甘公石申撰以日月五星三垣二十八宿恆星象次含有占訣以候休咎

合元萬分曆一卷

右唐曹氏撰未知其名曆元起唐高宗顯慶五年庚申蓋民間所行小曆也本天竺曆為法李獻臣云

集聖曆一卷

右皇朝楊可撰推神物所向擇日辰吉凶應用之法

步天歌一卷

右未詳撰人二十八舍歌也三垣頌五星凌犯賦附于後或云唐王希明撰自號丹元子

五行類

八五經三卷

右序云黃帝書八五謂八卦五行雖後人依託者而其辭亦馴雅相墓書也衢本志有二行

青囊木旨一卷

右不記撰人演郭璞相墓青囊經也

洞林別訣一卷尋龍入式一卷

右江南范越鳳集郭璞所記諸家地里得失為此書二十四篇并司空珣尋龍入式歌附

珣珣子三命賦一卷

右李獻臣云珣珣者取珣珣如玉珣珣如石之義推人生吉凶否泰之法衢本尚有九行

李虛中命書三卷

右唐李虛中撰虛中字常容姓纂云同之八代孫學最深於五行書壽夭貴賤利不利輒先處其年時萬不失一韓愈言同為虛中十一世祖誤也

五命秘訣一卷

詳評故在

右皇朝林開撰三命之術年月日支干也加以時胎故曰五命

占燈法一卷

右皇朝李淳風撰崇文總目亦有之

觀燈法一卷

右唐李淳風撰

袖中記一卷

右皇朝李唐濬撰辨人形色知其壽夭吉凶

集聖曆四卷

右皇朝楊可集可為司天冬官正輯古今陰陽書彙

為四時以涓擇日辰云

兵家類

六韜六卷

右周呂望撰案漢藝文志無此書梁隋唐始著錄分文武龍虎豹犬六目兵家權謀之書也

魏武注孫子一卷

右吳孫武撰魏武帝注按藝文志孫子兵法八十二篇今魏武所注止十三篇杜牧以為武書數十萬言魏武削其繁剩筆其精粹成此書云其序畧曰吾讀兵書戰策多矣武所著深矣

李筌注孫子三卷

右唐李筌注以魏武所解多誤約歷代史依遁甲注成三卷

杜牧注孫子三卷

右唐杜牧注以武書大畧用仁義使機權曹公所注解十不釋一蓋借其所得自為新書爾因備注之世謂牧慨然最喜論兵欲試而不得者其學能道春秋戰國時事甚博而詳知兵者有取焉

陳皞注孫子三卷

右唐陳皞撰皞以曹公注隱微杜牧注濶疎重為之

注云

紀變集注孫子三卷

右唐紀變集唐孟氏賈林杜佑三家所解

梅聖俞注孫子三卷

右皇朝梅堯臣聖俞注歐公為之序

王曾注孫子三卷

右皇朝王曾撰曾以古本校正闕誤又為之注仁廟時天下久承平人不習兵元昊既叛邊將數敗朝廷頗訪知兵者士大夫人人言兵矣故本朝注解孫武書者大抵皆當時人也

何氏注孫子三卷
右不詳姓氏近代人也

吳子三卷

右魏吳起撰言兵家機權法制之說唐陸希聲類次為之說料敵治兵論將變化勵士凡六篇云

司馬法三卷

右齊司馬穰苴撰威王使大夫追論古者司馬兵法而附穰苴於其中因號司馬穰苴兵法司馬遷謂其書闕廓深遠雖三代征伐未能竟其義如其文近亦少褒矣穰苴為區區小國行師何暇及司馬兵法之

揖讓乎

黃石公三畧三卷

右題曰黃石公上中下三畧其書論用兵機權之妙嚴明之決明妙審決軍可以死易法國可以存易亡經籍志云下邳神人撰世傳此即地上老人以一編書授漢張良者

尉繚子五卷

論兵

右尉繚子未詳何人書主刑法兵戰按漢藝文志有二十九篇今逸五篇首篇稱梁惠王問意者魏人與張橫渠注尉繚子一卷

尚有三行

品有二行

右皇朝張載撰其辭甚簡畧

李衛公對問三卷

右唐李靖對太宗問兵事元豐中并六韜孫吳三畧尉繚子司馬兵法類為一書頒之武學名曰七書史臣謂李靖兵法世無完書畧見於通典今對問出於阮逸家或云逸因杜氏附益之

李臨淮武記一卷

右唐李光弼撰其書凡一百二章末云呂望智廓而遠孫武思幽而密黃石寬而重斷吳起嚴而貴更墨翟守而無攻老聃勝而不美今擇其精要雜以愚識

為一家之書題曰統軍靈轄寶秘策或云光弼從事張參所纂

人事軍律三卷

右皇朝符彥卿撰其序稱言兵者多雜以陰陽殊不知往亡宋捷甲子胡興鷲入梟集翻成吉兆故此但述人事云或以為唐燕僧利正撰當考之

庚亥保聚圖一卷

右晉庚亥撰亥字叔褒西晉末保禹山張泓張昌不能犯所全活者毋慮數百萬元康三年己酉因撰保聚壘議二十篇

徵本少元豐五十七書類句

往亡二十子
未解

徵本凡五
行各以異

武侯十六策二卷

右蜀諸葛亮孔明撰序稱謹進便宜十六事一治國二君臣三視聽四納言五察疑六治民七舉措八考黜九治軍十賞罰十一喜怒十二治亂十三教令十四斬斷十五思慮十六陰察陳壽錄孔明書不載此策疑依託者

神武秘畧十卷

右皇朝仁宗御撰纂古今兵書戰策及舊史成敗之迹類權謀形勢陰陽技巧凡四門三十篇

左氏要類

禮記

右皇朝韓迪撰纂左氏兵事凡五十門

類書類

同姓名錄三卷

右梁元帝撰纂類歷代同姓名名人成書一卷唐陸善經續增廣之尚有二行

初學記三十卷

右唐徐堅等撰初張說類集事要以教諸王開元中詔堅與韋述余欽施本張烜李銑孫季良分門撰次

藝文類聚一百卷

右唐歐陽詢等撰分門類事兼采前世賦詩銘頌文

章附于逐目之後按唐志詢與令狐德棻袁朗趙智行同修

古今刀劍錄一卷

右梁陶弘景撰記古今刀劍

古鏡記一卷

右未詳撰人纂古鏡故事

六帖三十卷

右唐白居易撰凡天地事物分門類為對偶而不載所出書曾祖父秘閣公為之注行于世世傳居易作六帖以陶家餅數十各題名目置齋中命諸生採集

其事類投餅內倒取之抄錄成書故所言時代多無次序云

記室新書三十卷

右唐李途撰采摭故事綴為偶儷之句分四百門途為東川掌記因以名其書云

兔園策十卷

右唐虞世南撰奉王命纂古今事為四十八門皆偶儷之語至五代時行于民間村野以授學童故

補遺一賦苑英華十卷

右唐袁悅重修本楊名所著悅掇其要類為語對以

他說附益之

通典二百卷

右唐杜佑撰先是劉秩採經史自黃帝迄唐天寶末制度沿革置論議得失倣周禮六官法為政典三十五篇房琯稱才過劉向佑以為未盡因廣之參以新禮為二百篇以食貨選舉職官禮樂刑法州郡邊防八門分類序載世推該洽凡三十六年成書德宗時上之

五代會要三十卷

右皇朝王溥等撰采梁至周典故纂次建隆初上之

禮本七略

節國朝會要十二卷

右皇朝章得象等天聖中被詔以國朝故事因革制度編次宋綬馮元李淑王舉正王洙同修得象監總慶曆四年書成上之凡一百五十卷范師道以其猥冗節其要以備檢閱

古城塚記二卷

右唐皇甫鑿撰記古城所築之人姓名初不及塚而名曰城塚記未知其說

太平總領五十卷

禮本有太平總領一十卷

右皇朝李昉等撰太平興國中昉被詔纂經史故事

分門編次六帖初學記之類也

職林二十卷

右皇朝楊侃纂集歷代職官沿革之故蓋因通典職官門增廣而已

書林韻海一百卷

右不題撰人分門依韻纂經史雜事以備尋閱或云皇朝許冠所編

異號錄二十卷

右皇朝馬永易明叟編古今殊異名號如銅馬帝無愁天子之類頃嘗見近世人增廣其書名曰真實錄

亦殊該博

硯譜二卷

右皇朝唐詢撰記硯之故事及其優劣以紅絲石為第一端石次之

古鼎記一卷

右唐吳協撰記古人鑄鼎本原及其形製

童子洽問記二卷

右不題撰人分二十門雜記經史名數或題童子洽問記云唐許塾撰

骨鯁集二十卷

亦殊該博

是

右皇朝靖康初復修祖宗故事時人或集本朝諸公
諫疏成此書

書敘指南二十卷

右皇朝任浚撰纂集古今文章碎語分門編次之凡
二百餘類

歌詩押韻二十四卷

右皇朝楊咨撰東集古今詩可以為矩矱者編為押
韻

侍女小名錄一卷

右皇朝王銍纂序云大觀中居汝陰與洪次玉交遊

皇朝小名錄戲徵古今女侍名字因盡發所藏

香譜一卷脫誤子弟之與字其要以此

右皇朝洪芻駒父撰集古今香法有鄭康成漢宮香
南史小宗香真誥嬰香戚夫人迫駕香唐員半千香
所記甚該博然通典載歷代祀天用水沉香獨遺之
何耶

荆楚歲時記一卷

右梁宗懷撰其序云傅玄之朝會杜駕之上已安仁
秋興之敘君道娛蜡之術其屬辭則已洽其比事則

未弘其幸為小記以錄荆楚時風物故事自元日至
至除夕凡二十餘事

雜藝術類

古畫品錄一卷

右南齊謝赫撰言畫有六法分四品舊本凡六行

續畫記一卷

右唐李嗣真撰補謝赫之闕

後畫錄二卷

右唐僧彦悰撰品長安名畫凡二十七人

名畫獵精六卷

唐書字畫

右唐張彦遠撰其書歷代繪工名畫自中葉以降至唐
朝及論畫法并裝背稅軸之式鑒別閱玩之法

書畫史二卷

右皇朝米芾元章撰輯本朝公卿士庶家藏法書名
畫論其優劣真偽

五代名畫補遺一卷

右皇朝劉道成撰得品應撰序云胡瞻實有梁朝名
畫錄因廣之故曰補遺

聖朝名畫評二卷

右皇朝劉道成撰得品應撰集本朝畫工之名世者

第其品以王禮之為神品云在吳生上

新著書錄三卷

右皇朝黃休復集唐乾符初至宋乾德歲休復在蜀中目擊射禮之精者五十八人品以四格云

射評要略一卷

右題曰李廣漢凡十五篇

嚴怡射訣二篇

右唐王思永撰思永學射法於成都工曹嚴怡成書十篇每篇首必稱師曰

木射圖二卷

右唐陸秉撰為十五筭以代侯擊地毬以觸之筭節以朱墨字以貴賤之朱者仁義禮智信溫良恭儉讓墨者慢傲佞貪濫仁者廢濫者負而行一賞罰焉

投壺經一卷

右唐上官儀奉勅刪定史立道續法采周顛郝同梁簡文數家書為之唐志有其目

標蒲經一卷標蒲格一卷

右不題撰人序云標蒲古之戲也劉毅李安民慕容寶之徒皆擲盧不聞餘采今以盧梟為上雉犢次之

釣鼈圖一卷

右不題撰人凡四十類各有一詩

採珠局一卷

右不題撰人序云王公而不知其名凡三十餘類亦各有一詩

彈碁經一卷

右未詳撰人序稱世說曰魏武帝好彈碁宮中皆効之難得其局以碁盤之蓋形狀相類就蓋而彈之俗中因謂魏官碁盤之戲按西京雜記云劉向作彈碁典論云前代馬合卿張公子皆工彈碁然則起於漢朝非自魏始世說誤矣

象碁經一卷

右皇朝尹洙撰凡五圖今世所行者不與焉

捉臥甕人事數一卷

右皇朝李庭中撰以畢卓嵇康劉伶阮孚山簡阮籍儀狄顏回屈原陶潛孔融陶侃張翰李白白樂天爲目有趙昌言序

雙陸格一卷

右不題撰人其法左右十二梁設二朋朋各十五子一白一墨用明瓊二各以其采由右歸左子單則他子得擊兩子以上他子雖相當不得擊故武后夢雙

六不勝狄仁傑所以云無子也

益津射格一卷

右皇朝錢師益序以五善圖及武陵格疎密不同參酌為之

三國圖格一卷金龍戲格一卷打馬格二卷

旋棊格一卷

右不題撰人

漢官儀彩選一卷

右皇朝劉敞撰刪取西漢之官而附其列傳黜陟可戲笑者雜編之以為博奕之一物

忘憂集三卷

右皇朝劉仲甫編載唐韋延祐棊訣并古今棊圖

六問算法五卷

右皇朝龍受益撰并化零歌附

應用算法三卷

右皇朝蔣舜元撰

醫家類

黃帝素問二十四卷

右唐王珣注砭謂漢藝文志有黃帝內經十八卷素問即其經之九卷兼靈樞九卷迺其數焉先是第七

衡本凡十行
以此異

影本之四

亡逸硃時始獲乃詮次注釋凡八十一篇分二十四卷今又亡刺法本論二篇硃自號啓玄子

黃帝八十一難經一卷

右秦越人撰吳呂廣注唐楊玄操演越人授桑君秘術洞明醫道采黃帝內經精要之說凡八十一章編次爲十三類其理趣深遠非易了故名難經

補注神農本草二十卷

右皇朝掌禹錫等補注舊說本草經神農所作而藝文志所不載平帝紀詔天下舉通知方術本草者本草之名蓋起於此梁之錄載神農本草二卷書中有

後漢郡縣名蓋上世未著文字師學相傳至張機華佗始爲編述嘉祐初詔禹錫與林億蘇頌張洞等爲之補注以開寶本草及諸家參校采拾遺逸判定新舊藥合一千八十二種總二十卷

圖經本草二十卷目錄一卷

右皇朝蘇頌等撰先是詔掌禹錫林億等六人重校神農本草累年成書奏御又詔郡縣圖上所產藥本用永徽故事重命編述於是頌再與禹錫等哀集衆說類聚詮次各有條目云嘉祐六年上

脈經十卷

禮本之行

右晉王叔和撰纂岐伯華佗等論脈要訣

巢氏病源候論五卷

右隋巢元方等撰元方大業中被命與諸醫共論眾病所起之源皇朝昭陵時詔校本刻廣頒行宋綬為序

外臺秘要方四十卷

右唐王燾撰燾之序云嘗得古方書數千百卷因述諸病證候刪集方藥符禁鍼灸之法

本草廣義二十卷

右皇朝寇宗奭編以本草一部著撰之人或執用已

禮本之行

私失於商雜併考諸家之說參之事實覈其情理證其脫誤以成其書

天元玉策三十卷

右啓元子撰即唐王休也書推五運六氣之變唐入初志產寶二卷云初仕至太僕令羊八十餘以壽終

右偽蜀咎殷撰輯產乳備驗方藥二百七十八首

銅人腧穴鍼灸圖三卷

右皇朝王惟德撰仁宗嘗詔惟德考次鍼灸之法鑄銅人為式分腑臟十二經旁注俞穴所會刻題其名并為圖法并主療之術刻板傳于世夏竦為序明堂

禮本之行

者謂雷公問道黃帝授之故名云

太醫局方十卷

右元豐中詔天下高手醫各以得効秘方進下太醫局驗試依方製藥嘗之仍摸本傳于世

沈存中良方十五卷

右皇朝沈括存中撰存中博學通醫術故類其經驗方成此書用者多驗或以蘇子瞻論醫藥雜說附之

靈苑方二十卷

右皇朝沈括存中編本朝士人如高若訥林億孫奇龐安常皆以善醫名世而存中尤善方書此中所載

多可用

博濟方五卷

右皇朝王袞撰

錢氏小兒方八卷

右皇朝錢乙仲陽撰神宗時擢太醫丞於書無所不窺它人靳靳守古獨度越縱合卒與法合尤邃本草多識物理辨正闕誤最工療嬰孺病年八十二而終闔季忠方附于後

蘇沈良方十五卷

右皇朝沈括通醫學嘗集得効方成一書後人附益

懋在二行

三

以蘇軾醫藥雜說故曰蘇沈

南陽活人書二十卷

右皇朝朱肱撰序謂張長沙傷寒論其言雅奧非精於經絡不能曉會頃因投閑設為對問補苴綴緝僅成卷軸作於己巳成于戊子計九萬一千三百六十八字

神仙類

黃庭內景經一卷

右題大帝內書藏賜谷陰三十六章不載注人皆七言韻語梁丘子敘云扶桑大帝命賜谷神王傳魏夫

中央

外指事即天人地中

人一名東華玉篇黃者工儀正色庭者四方之中江取諸身以顯為主故曰黃庭

黃庭外景經一卷

右敘謂老子所作元陽子注分上中下三篇亦皆七言韻語元陽子不詳其人

老君內觀經二卷

右凡十二章首皆云老君曰其言皆修心鍊神之法真誥七卷

右梁陶弘景撰皆真人口受之誥故以為名記許邁許謚楊羲諸仙受道之說

標本之行

二行

四行

參同契三卷

右漢魏伯陽撰按神仙傳伯陽會稽上虞人通貫詩律文辭贍博修真養志約周易作此書凡九十篇徐氏箋注桓帝時以授同郡淳于叔通因行于世彭曉爲之解隋唐書目皆不載按唐陸德明解易字云虞翻注參同契言字從日下月今此書有日月爲易之文則其爲古書明矣

坐忘論一卷

右唐司馬承禎字子微撰凡七篇其後有文元公跋謂子微之所謂坐忘卽釋氏之言冥坐也

肇論四卷

右姚秦僧洪肇撰師羅什規模莊周之言以著此書物不遷不真空涅槃無知般若無名四論傳燈錄云肇後爲姚興所殺高僧傳不載其事

天隱子一卷

右唐司馬子微爲之序云天隱子不知何許人著書八篇修鍊形氣養和心靈歸根契於伯陽遺照齊子莊叟殆非人間所能力學者也王古以天隱子卽子微也一本有三宮法附于後

玄聖遺蘊二卷

右唐司馬承禎撰

卷一

右唐李繁撰繁學於江西僧道一敬宗時嘗與丁公
著陸亘入殿中抗佛老講論唐虞愈稱其家多書一
覽終身不忘太和中舒元興誣其濫殺不辜繫獄知
且死者書十六篇以明禪理自謂臨死生而不懼賢
於顏回在陋巷不改其樂嗚呼可謂賢矣而史載其
平生行事甚醜獨何歟

廣弘明集三十卷

右唐僧釋道宣撰道宣麟德初居西明寺以中原自
周魏以來重老輕佛因採輯自古文章下逮齊隋發
明其道者以廣僧祐之書分歸正辨惑佛德法義僧

行慈惻誠功啓福滅罪統歸等十門

別集類

揚雄集三卷

右漢揚雄子雲也古無雄集皇朝譚愈好雄文患其
散在諸篇籍離而不屬因綴輯之得四十餘篇

陰鏗集一卷

右陳陰鏗字子堅幼聰慧五歲能誦詩賦日十言及
長博涉史傳尤善五言詩徐陵言之於世祖使賦安
樂宮援筆立成累遷散騎常侍有集三卷隋志已亡
其二今所存者十數詩而已杜少陵嘗贈李太白詩

者云李侯有佳句往往似陰鏗今觀斯集自益過之
遠矣甫之慎許可乃如此

吳筠宗元先生集十卷

右唐吳筠撰前有權德輿序筠字貞節華陰人生十
五年隱於南陽天寶初召至京師請爲道士居嵩山
已有勅待詔翰林筠知祿山將亂求還茅山許之乃
東遊會稽往來天台剡中與李白孔巢父酬唱大歷
中卒弟子謚爲宗元先生筠通經義美文辭性高曠
其待詔翰林也特承恩顧高力士素奉佛嘗短筠於
帝故筠所著文賦深詆釋氏頗爲通人所譏云

陳黯文集三卷

右唐陳黯撰黯字希孺潁川人十歲能詩十三補文
誥清源牧牧面令賦詩頗稱賞之由是一時聲名大
振會昌初就鄉薦至禮部輒罷歸咸通中卒有羅隱
黃滔序

令狐楚表奏十卷

右唐令狐楚字殼士撰楚相憲宗爲文善於牋奏自
爲序云登科後爲桂并四府從事掌牋奏者十二年
始遷御史綴其藁得一百九十三篇自號白雲孺子

胡笳十八拍一卷

右唐劉商撰漢蔡邕女琰爲胡騎所掠因胡人吹簫
葉以爲歌遂翻爲琴曲其辭古淡商因擬之序琰事
盛行一時商彭城人擢進士第歷臺省爲郎好道術
隱義與胡父渚世傳其仙去

鼎國詩三卷

右後唐李雄撰雄洛鞏人莊宗同光甲申歲遊金陵
成都鄴下各爲咏古詩三十章以三國鼎峙故曰鼎
國

孫晟文集三卷

右南唐孫晟字鳳密州人好學有文辭尤長於詩少

爲道士常畫賈島像置于屋壁晨夕事之後乃儒服
謁唐莊宗于鎮州莊宗以爲著作佐郎天成中奔于
吳李昇父子用之爲相周世宗征淮瑛懼遣晟奉表
求和世宗召問江南事不對殺之瑛聞贈魯國公

吳越掌記集一卷

右唐羅隱掌錢鏐記室所著表啟也

神宗皇帝御集二百卷

右本朝神宗皇帝撰章惇等纂紹聖初以元祐中所
集止九百四十二道有旨命惇再加編次至元符中
書成比元祐所編增多八千七百三十道分文辭政

事邊機三門言者仍以元祐之臣託以邊機不宜洩
露掩沒先帝盛美於是徧以賜羣臣云

范魯公集三十卷

右皇朝范質字文素大名人後唐長興中舉進士時
和凝典貢舉覽質程文器之自以登第名在十二卽
以其數處質舉子謂之傅衣鉢晉天福中爲翰林學
士周廣順初拜相太祖受禪加兼侍中乾德二年始
罷爲太子太傅卒年五十四將終戒其子曼勿請謚
勿刻墓碑質力學強記好聚書旣登朝猶手不釋卷
國史載其示從子詩家書自序薦呂餘慶趙普表三

篇

張師黯集五十卷

右皇朝張洎字師黯滁州人仕李煜知制誥中書舍
人歸朝爲史館修撰翰林學士淳化中參知政事至
道二年卒洎風神洒落文辭清麗通釋氏學然性險
詖而諂附集有吳淑序其子安期所編咸平五年上
之

晁文元道院集要三卷

右皇朝王古編其序云文元晁公博觀內書不徒力
行復勤於談述以開導後學其書曰道院別集曰自

擇增修百法曰法藏碎金曰隨因記述曰老智餘書
余嘗徧閱之以爲名理之妙雖白樂天不迫也輒刪
去重複總集精粹以便觀覽云古元祐中侍從

田表聖咸平集五十卷

右皇朝田錫字表聖其先京兆人唐末徙于蜀國初
與胡旦何士宗齊名中興國三年進士第歷相臺榭
廬淮陽海陵四郡守知制誥終於諫議大夫范仲淹
司馬光讀其書皆稱其直諫蘇軾亦以比賈誼云

李仲方集二十卷

右皇朝李維字仲方雍熙二年進士景德中知制誥

遷中書舍人爲翰林學士承旨年七十一維以文學
進至老手不釋卷能詩嗜酒嘗謂人曰人生詩酒足
則尚何營哉

民士編一十九卷

右皇朝陳克揆充成都人雍熙中擢甲科仕至刑部
郎中知祥符六年貢舉卒年七十詞學典贍性曠達
善談談澹於榮利自號中庸子民士云者蓋其未仕
已仕前後所著文也嘗以唐牛僧孺善惡無餘論爲
害教著書反之國史稱焉今集載其論兩篇

右皇朝張景宇晦之少師事柳開學爲古文名震一時卒官至廷評年四十九集有文百九十三首禹偁所編并爲之序

姚鉉文集二十卷

右皇朝姚鉉字寶臣廬州合肥人中進士甲科文辭敏麗淳化中直史館應制賦賞花釣魚詩特被嘉賞翌日命中使就第賜白金褒獎之累遷兩浙轉運使鉉雋爽尚氣薛映知杭州與之不協中以危法除其名卒年五十三

緹巾集二十卷

右皇朝宋庠字公序開封雍工人天聖中擢進士第一人翰林爲學士皇祐元年拜相嘉祐中復爲樞密使封莒國公以司空致仕初名郊字伯庠御史言其姓符國號名應郊天乃改今名遺命子孫不得以其文集流傳

韓持國詩三卷

右皇朝韓維字持國億之子也元豐中入翰林爲學士遷承旨哲宗初載拜門下侍郎與其兄子華玉汝俱位宰相持國最能詩世傳其餘隳絕句它多稱是

范子功集五十卷

右皇朝范百祿字子功鎮之姪也終于中書侍郎

晁氏具茨集三卷

右先君子詩集也呂本中以爲江西宗派曾慥亦稱公早愛知陳無已從兄以道嘗謂公宗族中最才學喻汝礪序其詩云予嘗從叔用商近朝人物嘉言善行朝章國典禮文損益靡不貫洽由叔用之學而進諱廊廟溫厚足以代言淵博足以顧問則以詩鳴者是豈叔用之志也哉雖然叔用旣已油然而棲志於林間曠遠之中遇事寫物形於興屬淵雅疎亮未嘗爲悽怨危憤之音予於是見叔用於消長用舍之

際未嘗不安而樂之者也嗟乎所謂含章內奧而深於道者非耶秦漢以來士有抱奇懷能再世不過往往操心汗筆有怨誹沈抑之思氣何急刻不能開遠古之詞人皆是也所以往往無所建立於天下唯深於道者遺於世而不怨發於詞而不怒君子是以知其必能有爲於世者也嗟乎吾於叔用豈直以詩人命之哉

岷山百境詩二卷

右皇朝王家字道輔少有能詩名世謂其詩初若不經意然遺詞屬意清麗絕人自號南陔居士宣和中

以狂譎被譖伏誅

楊天隱詩十卷

右皇朝楊恬字天隱潼川人

許表民詩十卷

右皇朝許彥國字表民青社人周邦彥稱其寬平優游中極物情惜乎畱落不偶故世人知之或寡也

滿民昌邑集二十卷

右皇朝滿中行字思復登進士第元豐中爲太學官
虞蕃獄起思復獨不結吏議詔褒之

元氏集三卷

右皇朝元絳字厚之杭州人鑠廳中進士第爲翰林
學士叅知政事絳立朝無特操晚入翰林諂事王安
石及其子弟時論鄙之工文辭爲流輩所推許卒年
七十六謚章簡

馮允南集十卷

右皇朝馮山字允南普州人鄧綰爲中丞薦爲臺官
允南乃辭不就士論稱之

希白詩三卷

右皇朝僧希白撰張逸序之云希白能詩與宋白梁
周翰張詠而下十數公相友善其格律不減齊已云

邵氏集二十卷

右皇朝邵溥字澤民進士第靖康初爲戶部侍郎上踐祚以例貶官紹興中復待制宣撫川陝師事崇福十二父詩文早有能聲

總集類

雜文章二卷

右孫巨源得之於秘閣載宋玉等賦頌五十八篇景迂生元豐甲子以李公擇本校正後有劉大經田爲王雲李端唐君益諸公題跋

唐賦二十卷

右唐科舉之文也蕭穎士裴度白居易薛逢陸龜蒙之作皆在焉

東漢文類三十卷

右五代寶儼編

唐文類三十卷

右皇朝陶叔獻編

唐漢策要十卷

右皇朝陶叔獻編

綸言集一百卷

右或編國朝制册詔誥成此書以其皆王言也故以

為名

高麗詩三卷

右元豐中高麗遣崔思齊李子威高琥康壽平李穗入貢上元宴之於東闕之下神宗製詩賜館伴畢仲行仲行與五人者及兩府皆和進其後使人金榜朴資亮裴口李絳孫盧柳金化珍等塗中酬唱七十餘篇自編之為西上雜詠絳孫為之序

太平盛典二十三卷

右或編政和間制誥表章多有可觀者

文說類

金針詩格三卷

右唐白居易撰居易自謂與劉禹錫元稹皆以詩知名撮詩之體要為一格病得針而愈詩亦猶是也故曰金針集

續金針詩格一卷

右皇朝梅堯臣聖俞撰聖俞遊廬山宿西林與僧希白談詩因廣樂天所述云

杜詩刊誤一卷

右皇朝王仲至撰

韓柳文章譜三卷

右皇朝黃大輿撰大輿之意以為文章有難辨之異故取韓愈柳宗元文章為三譜其一取其詩文中官次年月可攷者次第先後著其初晚之異也其一悉取其詩文比敘之其一列當時君相於上以見二人之出處極為詳悉

天廚禁臠三卷

右皇朝釋惠洪撰論諸家詩格

三十三種已見附志今不重刊開書目如后

石經周易十卷周易指畧例一卷

石經尚書十三卷

石經毛詩二十卷

石經周禮十二卷

石經禮記二十卷

石經左氏傳三十卷

石經公羊傳十二卷

石經穀梁傳十二卷

春秋穀梁疏十二卷

石經論語十卷

石經孟子十四卷

韓李論語筆解十卷

疑孟一卷

仁宗政要四十卷

神宗聖訓二十卷

東漢刊誤一卷

長安志十卷

列女傳八卷續一卷

百將傳十卷

三朝國朝會要一百卷

聳隅子十卷

醫子十卷

御注老子二卷

列子釋文二卷

孔叢子七卷

劉子三卷

御製聖濟經十卷

度人經三卷

四十二章經一卷

神仙可學論一卷

蔡邕獨斷二卷

花藥夫人詩一卷

華陽集一百卷

二種見

平泉草木記一卷已載李衛公集中

牡丹記一卷已載歐陽公集中

一種刪去

百中經三卷

二本四卷考異

三種書同而名異

袁本毗陵易傳十一卷 衢本作東坡易傳

袁本芸閣先生易解一卷 衢本作呂氏章

袁本陳叔易詩一卷 衢本作澗上丈人詩

二十一種所載入類不同

晁以道易玄星紀譜一卷

左氏綱領四卷

左氏蒙求三卷

押韻一卷

漁樵問對一卷

程氏雜說一卷

儒言一卷

信聞記一卷

以上袁本經類 衛本子類

古樂府十卷

樂府古題要解十卷

玉臺新咏十卷

玉臺後集十卷

以上袁本經類 衛本集類

松牕錄一卷

太和辨謗畧三卷

以上袁本史類 衛本集類

神仙傳十卷

王氏神仙傳四卷

高僧傳二卷

求法高僧傳十卷

僧寶傳三十二卷

以上袁本子類 衛本史類

馭臣鑒古二十卷

汲古論一卷

以上袁本集類 衢本子類

二十九種袁本所載 衢本所遺

六家經要四卷

淳化法帖十卷

武陵法帖二十二卷

王曾筆錄一卷

英宗朝諸臣列傳三卷

本朝事實三十卷

青唐錄二卷

忠臣逆臣傳二卷

藝文志見闕書目一卷

酒經三卷

晉公談錄一卷

該聞錄十卷

漫叟見聞錄一卷

劉辣小說五卷

左氏要類

職林二十卷

骨鯁集二十卷

蘇沈良方十五卷

維摩詰所說經三卷

六祖壇經二卷

修已金剛經旨要一卷

錦囊集一卷

員半千三蓮集二十卷

余氏至言十八卷

藏寂軒文集

趙延持盈要論

聖紹堯章集十卷

藝圃折衷六卷

政和文選二十卷

二本四卷考異

昭德先生三榮郡齋讀書
志四卷既刊傳矣趙希弁
君錫繼從郡員外司馬帑
轉蔡廉父得三衢本參校
爲後志二卷以補其缺蓋
晁氏舊藏之書也合南陽
所畀與夫君錫附志爲七
卷今書之傳于世者固已
十之六七然寡陋而未見
宜尚多焉後之君子增益

之淳祐庚戌小至二日番
陽黎安朝謹識

昭德晁公侍郎僑居蜀嘉定之峩眉平生著書有易詩書春秋解考其異同甚詳又作讀書志皆鈔版大父及嚴君喜藏書在嘉定時嘗摹而藏之及南來不能悉與俱今併他所藏燬矣讀書志偶在篋中鈞謹刻置信安郡齋不惟使晁氏平生之功得不泯沒而

觀者按其目而訪求之庶
亦可使古書之不泯云淳
祐巳酉夏五郡守南充游
鈞書

臨江府志

卷二



